

### **1ª.- FINALIDADE:** Convócase a **XVI Edición do Certame Fotográfico Xosé Manuel Eirís**.

O Concello de Carballo, atendendo á proposta expresada pola Comisión Organizadora da Homenaxe a Xosé Manuel Eirís, integrada por representantes de trinta asociacións culturais de Carballo, acordou en sesión plenaria do 5 de maio de 1997 a creación do Certame Fotográfico Xosé Manuel Eirís, que se celebra con carácter anual desde o ano 1997. Con este Certame o Concello de Carballo quere contribuír á creación artística e a fomentar a divulgación da fotografía.

**2ª.- DENOMINACIÓN:** A denominación de Xosé Manuel Eirís para este Certame Fotográfico provén do recoñecemento que o Concello de Carballo e as entidades culturais do municipio queren render a unha persoa vinculada ao mundo cultural e artístico de Carballo e de Galicia, preocupada pola recuperación e promoción do noso patrimonio cultural e pola participación da cidadanía neste proceso de desenvolvemento.

Esta iniciativa pretende perpetuar o recordo do que foi animador cultural de Carballo a través dunha das súas afeccións, a fotografía.

En cada edición o Concello de Carballo convida a unha asociación do municipio a formar parte do xurado e a colaborar na súa organización.

**3ª.- NÚMERO DE OBRAS E TEMA:** Poderán optar ao Certame todas as persoas físicas que o soliciten e cumpran co establecido nas bases do Certame. Cada autor ou autora poderá presentar un **número máximo de tres** obras. As fotografías realizaranse en **branco e negro ou cor**, natural ou manipulada, e o tema das obras é libre.

O feito de participar presupón que os/as autores/as están en posesión do Copyright e, en consecuencia, ostentan en exclusividade os dereitos de autoría e imaxe, polo que queda eximida a organización do certame de calquera conflito de publicación ou utilización das obras presentadas e dos que puidera derivarse.

Os traballos fotográficos que se presenten ao Certame deberán ser orixinais, inéditos e recentes.

As fotografías non poderán ter sido presentadas con anterioridade a este concurso nin ter gañado ningún premio noutros concursos ou certames.

Non poderán participar en ningunha das modalidades do Certame os/as concursantes que obtiveran o Primeiro Premio nas dúas últimas edicións deste, e non poderán concursar no Premio Especial Carballo aqueles/as que o gañasen nas dúas últimas edicións.

**4ª.- FORMATO:** As obras deberán ter un formato comprendido entre **25 x 35 cm** como mínimo e **40 x 50 cm** como máximo, e **irán montadas sobre cartón pluma** ou soporte similar **do mesmo tamaño da fotografía**.

Cada fotografía deberá vir acompañada ou ben do negativo ou ben do soporte informático en formato JPEG ou TIFF da obra presentada.

**5ª.- PREMIOS:** A dotación total do premio é de 1850 €. Establécense os seguintes premios:

- **Primeiro premio:** 700 € e diploma.

- **Segundo premio:** 450 € e diploma.

- **“Premio Especial Carballo” á mellor fotografía que faga referencia directa ao municipio de Carballo** en calquera dos seus aspectos: 450 € e diploma.

O xurado poderá conceder accésits por un importe total de 250 €.

As cuantías de cada premio aplicaráselle a retención fiscal correspondente.

Cada obra non poderá obter máis dun premio.

**6ª.- FORMA DE PRESENTACIÓN:** As obras presentadas ao Certame deberán gardar o anonimato do seu autor ou autora, e presentaranse sen sinatura e baixo un lema ou pseudónimo identificativo.

Pola parte traseira do soporte da fotografía, figurará o pseudónimo do/a autor/a, o título da obra, as indicacións do lugar onde foi tomada, a data na que se realizou e as técnicas empregadas e, se o/a autor/a o considera preciso, indicará a verticalidade ou horizontalidade da imaxe fotográfica.

É imprescindible que as obras que queiran optar ao **Premio Especial Carballo o indiquen na parte traseira do soporte**. Cada fotografía deberá ir acompañada dun sobre pechado que se pegará na súa parte traseira. Na parte externa do sobre figurará o nome da fotografía e o pseudónimo empregado. No seu interior conterá a seguinte documentación:

1.- Fotocopia do DNI do/a autor/a

2.- Solicitud de participación na que conste:

- Pseudónimo empregado, título e lugar e data da toma da/s fotografía/as.

- Datos persoais do/a autor/a: nome completo, enderezo válido para os efectos de recibir notificacións, teléfono, fax, correo electrónico, etc.

- Declaración asinada para aceptar expresamente as bases e condicións do Certame, garantindo que a obra non se atopa pendente de resolución de ningún outro Certame e que o autor/a ten, directa ou indirectamente, a libre disposición de todos os dereitos de explotación nas súas diferentes modalidades sobre a obra. Ademais, farase constar que o traballo non se publicou, expuxo ou se difundiu de algún modo (incluído Internet) e realizarase unha declaración responsable de non ter obrigas por reintegro de subvencións, e de que se atopa ao corrente das obrigas tributarias e coa Seguridade Social.

### **7ª.- LUGAR E PROCEDIMENTO PARA A ENTREGA:**

Os traballos poderán presentarse no Rexistro Xeral do Concello de Carballo, no Rexistro auxiliar de Cultura ou por correo certificado en sobre pechado no que deberá presentarse toda a documentación citada na base anterior, facendo constar no **remite o pseudónimo** empregado e na parte dianteira do sobre:

XVI CERTAME FOTOGRAFICO XOSÉ MANUEL EIRÍS

Concello de Carballo

Pazo da Cultura - Rúa do Pan, s/n - 15100 Carballo (A Coruña)

**8ª.- PRAZO DE PRESENTACIÓN:** O prazo de presentación dos traballos comezará o 30 de xaneiro de 2014 e finalizará o **24 de febreiro de 2014**.

**9ª.- XURADO:** A presidencia do xurado será asumida polo alcalde do Concello de Carballo ou persoa en quen delegue. A composición do xurado, que non se fará pública ata o día da resolución, contará coa presenza de persoas vinculadas ao eido da fotografía e da imaxe, dun representante das asociacións culturais de Carballo e un ou máis representantes do Concello de Carballo.

Ao xurado correspóndelle deliberar, estimar e valorar os traballos presentados. A súa decisión será inapelable e adoptarse por maioría simple de entre os seus membros. Poderá declarar deserto algún premio ou todos eles así como conceder libremente un ou máis accésits.

O xurado do certame terá a competencia de resolver calquera circunstancia non prevista nas presentes bases con absoluta autoridade.

**10ª.- DEREITOS DE AUTORÍA:** As fotografías premiadas quedarán en propiedade do Concello de Carballo e os/as autores/as ceden a este os dereitos de comunicación pública de forma indefinida. Neste sentido, os/as autores/as renuncian, a favor do Concello de Carballo, a calquera tipo de remuneración polos seus dereitos de autoría.

A participación no Certame supón a total e plena aceptación destas bases. O/a autor/a autoriza a exhibición e publicación das obras en exposicións ou publicacións relacionadas con este Certame.

**11ª.- EXPOSICIÓN E DEVOLUCIÓN DE OBRAS:** O Concello de Carballo poderá expoñer os traballos presentados no prazo de catro meses desde a data de resolución do xurado. Transcorridos estes, o/a autor/a poderá recoller as súas obras. Os traballos que non sexan recollidos pasados tres meses desde o remate da exposición poderán pasar a formar parte dos fondos do Concello de Carballo e ser exhibidos en actividades organizadas por esta institución ou poderán ser destruídos. O Concello de Carballo declina calquera responsabilidade por subtraccións, perdas ou deterioros que poidan sufrir as obras, aínda que velrá pola boa conservación destas.

**12ª.- RESOLUCIÓN E ENTREGA DE PREMIOS:** A decisión do xurado farase pública no prazo máximo de tres meses desde o remate do prazo de entrega das obras. **Os/as autores/as premiados/as comprométese a estar presentes no acto de entrega de premios que se comunicará cunha antelación mínima de 10 días.**

**SOLICITUDE DE  
PARTICIPACIÓN NO XVI  
CERTAME FOTOGRÁFICO  
XOSÉ MANUEL EIRÍS**

Nome e Apellidos

NIF

C.P.

Enderezo

Localidade

Provincia

Teléfonos

Correo Electrónico

Solicito participar no XVI Certame Fotográfico  
Xosé Manuel Eirís baixo o Pseudónimo: .....

e presento as obras da miña autoría: .....

Acepto as bases e condicións do Certame Fotográfico Xosé  
Manuel Eirís, e garantizo que as obras non se atopan  
pendentes de resolución de ningún outro Certame e que  
dispoño de todos os dereitos de explotación nas súas  
diferentes modalidades.

Ademais, fago constar que o traballo non se publicou, expuxo  
ou se difundiu de algún modo, e declaro expresamente non  
ter pendentes obrigas por reintegro de subvencións, e que  
me atopo ao corrente das obrigas tributarias e coa  
Seguridade Social.

En,    a        de    de 2014

Asdo.  
DNI

**Pechado de prazo de presentación 24 de febreiro de 2014**  
Imprescindible adxuntar esta solicitude coas obras, asinada e  
en sobre pechado.

SR. ALCALDE-PRESIDENTE DO CONCELLO DE CARBALLO

**XVI CERTAME FOTOGRÁFICO  
XOSÉ MANUEL EIRÍS**

**ORGANIZA**

Concello de Carballo

**OBRAS**

Tema libre  
Branco/negro ou cor  
Formato:  
- mínimo: 25x35  
- máximo: 40x50  
Montaxe:  
Sobre cartón pluma ou  
soporte similar do mesmo  
tamaño da fotografía

**PREMIOS**

1º premio: 700 €.  
2º premio: 450 €.  
Premio Especial  
Carballo: 450 €.  
Accésit: 250 €.

**PRAZO DE  
ADMISIÓN DE  
OBRAS**


Do 30 de xaneiro ao  
24 de febreiro de 2014

**LUGAR DE  
PRESENTACIÓN**

Concello de Carballo  
Pazo da Cultura  
Correo Certificado

**MÁIS  
INFORMACIÓN**

Concellaría de Cultura  
Pazo da Cultura  
T 981 704 300  
www.carballo.org



**XVI**  
**Certame Fotográfico**  
**Xosé Manuel Eirís**

